



PAMFLET
1442





Vertoogh, hoe nootwendich, nut ende profijtelick het sy voor de vereenighde Nederlanden te behouden de Vryheyt van te handelen op West-Indien, Inden vrede metten Coninck van Spaignen.

Almen blijtelick wilt insien den oorspronck/aen-
vanch/voortganch ende gheduericheyt van dese inlandtsche
Oorloghe: Den aert ende gheneghentheyt der vanden daer
wy mede te doen hebben/als mede den standt deser vereenich-
de Landen/en van waer sy hare middelen/macht/cude voorsz
naemste rijckdomen trecke/daer sy haer met Gods hulpe ge-
duerende dese oorloghe/soo mannelick ende stantvastelick mede hebben be-
vrijt/ende bevrijden moeten voorsz het ghewelt haerder vanden: Soo salmen
doch moeten bekennen/datter noyt gheen Volck noch Landt ter werelt en is
gheweest/dat meerder oorsake heeft ghehad om de waerschouwinghe Salo-
mons die hy doet in het 26. capit. sijner spreken/ter herten te nemen/als dese
vereenichde Landen/ alwaer hy seght: Den vyant wort bekend by zyner Re-
dene, hoe wel dat hy in 'therte valsch is: Wanneer hy zijn stemme vriendelick
maect, soo en gheloof hem niet, want seuen grouwelen zijn in zijn herte: het
welck Sirach oock bevesticht in zijn 12. Capittel/vers. 10. segghende: Betrouw
uwen vyant nemmermeer, want gelijk als het Yser alrijt weder verroest, so
en laet hy ooc zijne treken niet. Item int 15. vers. De vyant gheeft wel goede
woorden, ende beclaecht u seer, en stelt hem vriendelick: Can daer toe oock
weenen, maer in 'therte denckt hy hoe hy u inden cuyl brenghe: ende crijght
hy ruym, soo en can hy uwes bloets niet sadt worden. Om nu te bewijzen dat
dese waerschouwinghe dese Landen voornemelick aengaet/ sal daer toe niet
verhalen den oorspronck noch gheduericheyt deser oorloge/ noch int lange den
aert onser vanden/ die sulcx is dat ick niet en meyne dat eenighe Historien
verhalen van eenighe die hy haer in tyrannie/onversadelicke giericheyt/ eer-
giericheyt/ waersgiericheyt/ trouwscheit ende bedroch souden mogen ver-
gheleken worden. Maer sal alleenlick wat segghen van haer ontrouwte ende
bedroch (voorsz welcken middel het schijnt datse ons nu meene t'onder te brengen)
als mede aenwijzen den middel die wy hebben om ons daer teghens te
wapenen ende hare stricken te ontgaen/ om alsoo de voorsz waerschouwinghe
wel int werck te moogen legghen.

Wat dan haer ontrouwte en bedroch aengaet is onnoobich daer exempelen
van te verhalen/ dewyle dat eenen peggelicken/ die maer en weet wat sich in
dese Inlandtsche Oorloghe heeft toeghedraghen (ick late staen wat in hont-
dert Jaren herwaerts elders in Europa ende America is gepasseert) genoegh
bekent is/ dat de Spaensche regeringhe is ghegrondt op dit Macchiavelische
fondement/ namelick/ Dat den Prince geen werck en behoort te maken van
de



1442

74

de onderhondinghe sijner Beloften/ Tractaten/ ofte eenighe Verblinten/ten/ die hy soude moghen aengaen/ als hy maer voordeel mach doen/ welk hem naech siet/ oft het spel schoon hoeft/ ende dat hy dan sonder eenigh woeghen der Conscientie/ ofte eenich ander eerlijck insien/ mach zyn trouwe schenden/ ende sonder schaemte aller volkeren rechte ende den Eedt breeken.

Maer t'hooghste vā alle boosheyt/ ende dat ons de hairen behoorde te bereghe te doen staen van vrees/ is/ dat de vermeepnde Geestelic lijceyt/ ende voorzinnelick de Jesuwiten/ openlich derven leeren en voorzheven/ dat de Princen aen haren Eedt ende Beloften die sy den genen doen die sy ketters noemē/ niet en zyn ghehouden. Noemende boven dien Een heylich Bedroch, als sy die dooz sulcken middel connen bedrieghen: Houdent oock als eenen Artickel van haer ghelooue/ Dat den Antichrist van Roomen, die sy Paus noemen/ een peder mach van zynen Eedt ontslaen: Iae selfs wanneer hy het hun bebeelt/ datse moeten op de verdoemenisse van hare sielen/ hem ghehoorsamen ende haren Eedt en Verbondt breeken. Waer hy dan genoegh ghesien wordt dat hy haer niet en gheli noch Woordt noch Beloften/ noch Verbondt/ noch Verdrach/ noch Vrede-handelinghen/ noch Eedt/ noch pers datmen tot verskeringhe oft vasticheyt onder den menschen soude connen bedencken. In voegen dat/ ofnē den Vrede schoon niet haer trefte/ ende in alles over comt/ het even soo veel sal zyn/ als oft daer noyt van ghesproken en ware.

Teghens welcke verblouckte ende grouwelicke Antichristische ende Machiavellische stricken/ geenē anderen raet en is als datmen de voorszeynen leeringe Salomonis en Sirahs waer neme/ op dat ons niet en trefse tghene Sirach wyders op het 12. vers vā het voorszeyuē Capitrel (sprckende vāden vyand) seght: Treckt hem niet tot u, dat hy u niet wegh en soote, ende trede in u stede. Sedt hem niet by u, dat hy niet nae uwen stoel en pooghe, ende dat ghy dan ten laetsten op mijn woorden dencken moet, ende dat het u dan rouwe. Ende voorders: Ghelijck als wanneer eenen Slanghen- besweerder gebeten wordt, dat en iammert niemant: alsoo weynich als dat soo een met wilden ghedierten omme gaet, en van hen verscheurt wordt, alsoo gaet het dyen oec die den Godloosen aenhanckt, ende hem in haren sonden vermengt.

Welck ongheluck ons onghetwifelt sal op den hals comen/ soo wy dooz desen Vrede-handel bedrogghen/ ende den Vyand tot eenen roof worden/ ende dat wy de Vyseheyt/ daer tot noch toe soo mannelick vooz is ghestreden/ ende soo veel bloets vooz ghestort/ comen te verliesen. Want wie isser doch die sich onser in sulcken ghevalle soude ontfermen/ en ter contrarien ons niet bespotten/ ouer onse slechticheyt/ nalaticheyt/ slappicheyt ende cleynberticheyt. Iae selfs oock haten als menschen die alle hulpe onweerdich zyn/ om dat wy de goede ende trouwe waerschouwinge van onse goede nabueren niet hebben willen ter herten nemen/ haer hulpe veracht/ ons aende voozighe exemplen niet willen spieghelen: ende ghelijck als vergheten tghene wy aen andere altyt hebben tot antwoordt ghegeuen als men ons vanden vrede sprack/ twelck niet alleen byde Heeren/ maer by den ghemeenen man daghelic is inden mond ghewrest/ namelick dat den dach wanneer wy met onse vyanden souden in onderhandelinghe comen/ apparentelick den dach van ons verderf ende

oudet.

onderganch soude wesen/ ende datter vooz desen Staet niet schadelicker en was als vanden Vrede te handelen/ voornamlich met den Spaignaert ende hare Voorheden: oft als het gheschieden sonde/ dat het moeste wesen met de Staten vande verheerde Landen/ die nu maer gelijck een O in Coper en zijn/ ende over de welcke hare Voorheden hebben dadelich vercreghen/ tghene den Hertogh van Alba maer in Coper en hadde in t'Antwerps Casteel opgherecht.

Maer bouen alle andere soo gaet de voorszreven Waerschouwinge voornemlich aen alle vrome Christenen die God met een reyn/supber/ en onghewalscht herte ende ghewissen soecken te dinen. die de handt niet aenden ploegghen hebben gheslagghen om te rugghen te sien/ maer om in de wegghen des Heeren getrouwelich te wandelen/ dewyle dat die niet anders en souden te verwachten hebben/ als vier/ galghe/ sweert/ ende ballingschap/ en in vzeemde landen te moeten dwalen/ om datse de goede occasie van hare en hare vaderlands vryheyt haer souden hebben laten upt der handt nemen/ ende niet steuer met eeren daer inne/ ende vooz en hebben willen steruen/ als des selfs onderganch te moeten overleuen. Dewelcke derhalue voornemlich oock moeten toefien/ datse vooz des vpiants listicheyt/ oft eeniger Jesuwpten en Libertinen schijnreden en haer niet en laten inleiden tot haeren verderue/ want des vpiants meeste wit is/ dat hy Gods kerche in dese Landen mochte verstooren ende upt-ropen.

Ende also wel de papisten vande veruolghinge om de Religie souden beurijt zijn/ insghelick veel Libertinen die haer als Chameleons in verscherpden couluren veranderen vaden gront daer sy op zijn/ nochtans en soude hare ellende daer om niet te minder wesen/ want souden ghelicke wel de sorte vryheyt/ (sonder de welcke allen eerlick herten het leuen bitterder is als de doot) moeten missen: ende die vande ghereformeerde Religie geblycht zijnde/ so souden sy die ghene zijn daer de vpianten haren moet aen souden coelen.

De Prouintien die nu Frontieren zijn/ en welckers standt met den vrede niet en word verandert/ maer moeten Frontieren bliuen/ hebben hier op oock wel te letten/ want als den Spaignaert den vrede vake/ ende dese landen op haer onuerstenste sochte te ouervallen/ so souden sy den eersten aenstoot lyden en den slach op den hals crighen/ aler datse souden connen gheholpen worden/ want als dese Landen gheenen Legher te velde en hadden tot harer bescherminghe/ waer wel te vzeesen datse niet langhe en souden connen tegen houden/ maer den vpiant tot eenen roof worden/ ende hoe sy gheseten hebben als sy onder den vpiant saten/ ende dese vereenichde Landen tot vpianten hadden/ mach die van Deventer, Zutphen, Nimmeghen ende veel andere wel ghebeycken/ dan die van Hollant/ ende voornemlich die van Zeelant souden so haest gheenen noot hebben/ also sy niet als te water en connen bespronghen worden/ ende souden ondertussen misschien eenich secours vande gheallieerde Princen moghen crighen.

Iemant sal hierop moghen segghen/ dat ick tegens mijn eyghen schaduw verichte/ datter niemant so dwars en is/ die de vpiant wilt oft meynt te betrouwen

wen: maer dat wy so wel sullen op ons hoede wesen in tijdt van vrede als in tijden van oorloghe.

Dan ghenomen dat dit de meyninghe sy / so moeten sien oftmen in tijdt van vrede sulcx oock sal conuen te weghe brengen / ende oft de daet met de woorden sal oter een comen / t'welck wy sullen verstaen als wy neerstelick leeten op den standt van dese Landen / en van waer sy de meeste macht / rijckdommen ende middelen tot onderhoudt van desen staet trecken.

Soo is het dan seker dat naest Godt / den Coophandel / Zeevaert / als de verscheyden hantwerken die in dese Landen gemaccht ende elders verboert worden / zijn de zenuwen van dit lichaem / en sonder de welke dese Landen niet en conuen bestaen / noch den meesten deel haerer inwoonders voeden / en na aduenant dat den voorsz Coophandel ende Zeevaert toe oft afnemen / dat oock na aduenant hare macht ende sterchte wast oft vermindert.

Al meyn ic in twee voorgaende Discoursen genoeghsaem bewesen te hebben / dat dooz den vrede onse Reiringe / Zeevaert / Coopluyden / Ambachtlieden / Scheeps ende Crijschvolck ons ten deele sal ontrocken ende den vpant toegheiaecht worden / waer dooz dese Landen seer sullen gheswacht / ende den vpant ghestercht zijn.

Ende omeen cleyn voorsz beelt te gheuen van het ghene dooz den vrede in desen deele sal ghewoont worden / so moeten maer sien wat crancke neiringe den Treues in dese Landen veroorsaect / d'welck ten deele spruyt wt dien dat vele lieden op den vrede wachten / latende te doen t'gene sy anders doen souden / d'een om dat sy van meyninge is dan te vertrecken / ende zijn residentie elders te nemen / andere om dat se hopen dat se van andere plaetsen haren coophandel ende neiringe profitelicker en beter sullen drijven als wt dese Landen / waer sy ghenoech te speuren is wat het wesen sal den vrede ghetrossen zijnde.

Waer wt dan ghenoech blijckt dat het niet ghenoech en is datmen segghe oft voorneme datmen den vpandt niet en wil betrouwen / maer datter meer als woordt oft willen moet by wesen / namelijk datmen middel en macht van volck moet hebben om alijt op zijn hoede te moghen wesen / en datmen hem niet en behoeue te betrouwen / ende dat gebrekende / soo sullen wy hem noot sakelick moeten betrouwen / ende ghelijck als op zijn ghenade leuen / want een yder verstaet wel dat so den noot ons nu eenichsins soude mogen dwingen om tot de vrede handelinghe te comen / so sal sy ons noch veel meer dwinghen om den vrede niet te breken / wat ghewelt oft onrecht onse vanden ons hier na souden moghen aendoen / wanneer wy ons volck ende middelen ten deele quijt zijn / welke occasie sy dan wel soude weten waer te nemen om ons een voordeel voozt ende dander na af te nemen / tot dat sy ons geheel soude onder zijn clauwen trijen / waer voozt onse ghenadighe God ons wil beschermen / oft anders sullen de ellendichste menschen zijn die ter werelt leuen.

Al hebbe in mijn voorgaende Discoursen oock bewesen dat dese Landen wel souden verskeret zijn somen de verheerde Landen weder in hare voorige Privilegien en vrijheden conde brengen / ende dat de gereformeerde Christelijcke Religie daer mochte openbaerlic geoeffent worden / maer also het schijnt wt

wt de ouergegeuen trephelen dat dit popnt niet en sal conuen vercregen wor-
den/soo wil daer op niet staen/maer tselue God beuden/die tshoudt tye zyn
D. Euangelium wel sal weten te verheypden/ende zyn kerche tot hare volheyt
te doen wassen/ in synt van den Satan ende alle boose raetghewers die tselue
soecken te verhinderen.

Soo is het dan noodich dat wy sien oft daer noch eenich ander middel o-
uerich is om ons seluen (met Gods hulpe) in den vrede te moghen manter-
neren/sonder op de genade van onse vyanden/oft selfs oock op de hulpe van
de nabuerige Potentaten/gheheelich te moeten staen/twelck epghenlich het
gene is dat icn voorszghenomen hebbe in dit Discours te verhandelen.

Wt het gene ic boue alreede verhaelt hebbe cāimē genoech sien dat het voorsz-
gheniste daer naest de Religie ende der Landen Priuilegte op behoort ghelicht
te worden/is datmen de Neiringhe/Zeeuacrt/Coopkeden ende Ambachtstie-
den/met alle behoorlicke middelen hier sie te behouden/ende dat/so eenighe
quamen te vertrecken/andere in hare plaetse mochten crijgen.

Nu om hier toe te moghen comen soo moet eenen middel ghebonden wor-
den/om den Coopman wt dese vereenichde Landen niet meerder voorszdeel
als wt andere landen te doen handelen/dat den ambachtsman grooter dach-
hueren mach verdienen als elders/cā dat zyn hant-werck wel mach vertiert
worden/dat den Zeeman eenighe vaert hebbe daer hy oock niet meer profijts
mach baeren als upt t'uyants Landen/ende dat de reyse bouen dien niet al
te periculē oft te lanc en sy/ende soo wy dit conuen vinden/fullen het volck
ende de neiringhe hier sonder twijfel wel behouden.

Maer desen middel en is in Europa niet te vinden/also alles daer so doorszocht
wort/dat daer geē meerder voorszdeel voorsz ons (maer eer min als voorsz andere)
is te vinden/dewyle ick bewesen hebbe dat de verheerde Landen tot den coop-
handel beter bequaemicheyt ende meerder versekertheyt hebben als dese Lan-
den/ende datse insgheltz hare manufacturen beter coop conuen gheuen als
wy/daer noch by voegghende dat die van Hooghduytslant/Wyanchrick/ende
Sweden arbeypden om verscheypden hantwerkers van dese Landen daer te
crighen/dat apparentelijck die bande verheerde landen oock veel meer Sche-
pen sullen wt reeden als sy voorsz de troubelen ghedaen hebben/soo op de Wis-
erpe als Coopbaert/om onse Zeebaert te swacken/ende datse in toecomende
tijden moghen sterck ter Zee wesen/ende ons de macht benemen/derhaluen
moet den voorsz middel buypen Europa ghesocht worden.

Soo moeten wy dan den seluen nieuwers als in Indien soecken/daer ick
in mijn voorgaende Discoursen niet van vermaent en hebbe/alsoo ick niet en
ronde ghelooouen dat onsen vyant so onbeschaemt soude gheweest hebben/dat
hy soude hebben dozuen versoeken/dat wy dien handel souden moeten
verlaten. Maer siende dat het nu daer ten deele op aencompt/ende dat den
vyant noch schijnt daer by te willen bliuen/na d'advisen die tot noch toe wt
Spaengien sijn gecomen/ende dat hem noch niet genoech en is dat de Heeren
Staten hem vzeetsamelick willen laten besitten de landen die hy gesurpeert
ende niet ghewelt ghedwonghen heeft/waer doorsz zyne macht verste rcht ende
d'onse

D'onse verſwacht woijt / maect dat hy daerenbouen haer de voorsz Indische
vaerden oock ſoercht quijt te maken / om ons alſoo den alen gheheelick te be-
nemen / en ghelijck als niet enen ſlach den hals af te ſnijten / ende dat ich daer
benemens vzeefe dat niemant ſich mochte laten beweghen om van dien handel
te wijchen / oft immers van den weſt Indischen handel / dooz dien dat hy mo-
ghelick niet wel en ſoude verſtaen wat aen den ſeluen ghelegghen is / ſo ſal ich
toztelick bewijſen wat nutticheyt / ſtercke / macht ende rijkdom deſe Landen
daer wt ſullen moghen trecken / ende dat het den eenighen middel is om te
vercrighen het ghene ich bouen geſeyt hebbe noodich te weſen om deſen ſtaet
te maintainen.

Het is wel ſoo dat met eenige Diſcourſen van gheleerde lieden / is bewezen
recht dat deſe Landen aenden Indischen handel hebben / den intreſt die
wy ende gheheel Europa ſouden lijden / ſo wie dien verlieten / oock eenichſins
wat ſterckte ende voorszdeel dat deſe Landen daer wt trecken / ende dat voornem-
melick wt de Ooſt-Indien en Guinea, maer t'ghene dat daer vanden Weſt-Indi-
ſchen handel verhaelt woijt is meer het profijt dat wy daer gehadt hebben
ende niet den artijckel vanden treues ſelfs quitteren / als t'ghene wy daer nu
hebben / oft inden Treues / Vrede oft Oorloghe ſouden moghen vercrighen /
want al de handel die wy inde Weſt-Indien tot noch toe hebbe gehadt / is vande
Margarita tot Cuba gheweest / alwaer den Coninck van Spaengien ouer al
ſchier ghebiet heeft / ende alſo byden artijckel daer vanden Treues ghehandelt
is / woijt geconſenteert dat wy niet en ſullen moghen varen ter plaetſen daer
de Spaengiaerden zijn / ſo verlaten wy den voorszighen handel / ten ware niet
conſent vande Spaengiaerden / d'welck sy hun wel ſullen wachten te conſente-
ren: Ende het is wel apparent dat het ghene wy in Ooſt-Indien hebben / ons
ooc ſal inden Treues benomē worden / ten sy dat wy den Weſt-Indiſchen han-
del daer by behouden / en dat dooz de nabolghende oft dierghelicke middelen.

Eerſtelick / ſoo is het wel te vzeefen dat den Coninck van Spaengien den
peper ende andere waren die van daer comen / ſal op ſo leegghen merckt ſtellen
ende ſoo veel ſchepen derrewaerts ſenden / dat wy daer gheen profijt en ſullen
doen / oft niet de Portegieſen geen merckt connen houden / t'welck hy lichtelick
ſal te weghe brengen / dooz dien dat hy de ſchepen ſelfs doet bouwen ende
wtruyt / ende weet wat hy voorz bracht vande goederen heeft / die hy dan can
leeger ſtellen / zijne Tollen ende incomē op de ſpecerijen ende andere waren ver-
lichten / en oft hy dooz dien middel vijf oft ſes hondert duſent croonen iaer-
licx voorz eenen tijt van iaeren van zijn incomen miſt / tseluen en can hem niet
veel ſchaden / en moet in d'oorloghe onghelick meerder laſten draghen vande
oorloch-ſchepen die hy onderhout tot bevydinghe van zijn ſchepen / ende
d'uyt reedinge coſt hem nu ooc veel meer alſe in tijt van vrede coſten ſoude /
ende alſo hy een Coninck is die meer ſiet op zijn reputatie / behoudeniffe van
zijn ſtaet / vermeerderinghe van zijn macht / ende eyndelick op het toeco-
mende / als op het teghenwoozdighe / en wel weet dat ſo hy ons eens wt die
vaert cancrighen / dat hem zijn achterſtel haect ſal betaelt zijn / ſo ſal hy daer
niet op ſien om tot zijn vermēten te comen.

Wan

Wanneer hy nu ons de proffiten soo can doen minderen/soo breeft hy oock
wel dat onse lust van derwaerts te varen sal afnemen/ende dat wy Cooplies-
den zynde den meesten deel meer sien op het teghenwoordighe proffyt als op
t'ghene in toecomende tijden daer wt soude moghen volghen. Verhaluen sal
hy hem Jaer op Jaer in Indien sien te verstercken/ende een groote Macht te
vergaderen: die hebbende zynen slach waer nemen/ende de Coningen die met
ons int verbont zijn oft met ons ghehandelt hebben/ouer vallen/oock eenige
met ghelt soecken om te roopen om ons te bedrieghen/waer toe de Oost In-
dianen surrouw ghenoech zijn/ende naer haer segghen soo en hebben sy gheen
been inde tonge/connen die veranderen als sy willen. Als hy oock maer Ban-
tam en Sumatra ronde vermeersteren/so souden wy het met dien handel sterke
hebben. Vouden dien sal hy oock soerken onder eenighen dekmantel/erne van
onse Bloten t'eenigher tijt niet voordeel te bespringen/en ons alsoo op groote
scade brenghende den handel vruchteloos maken.

Als dit nu gheschiede/soo en soude daerom den Wyde in dese Landen niet
ghebroken zijn/maer wilden de Coopliden dien handel behouden so sullen sy
wederom heel sterck ende met groote onkosten derwaerts moeten wt reeden/
waer toe het Bootsvolck als het de vaert op Spaengien en ander Landen
by heeft/qualick sal te becomen zijn/dan niet veel grooter hueren als sy voor
de en gewonnen hebben. Epndelich den heelen last van d'oorloghe seude dan
op hun aentcomen/waer doorse swaerlick tot dese wtredinge oft continuatie
vanden handel sullen willen verstaen: Eenighe vande Bewint-hebbers sullen
oock swaricheyt maken van langer in administratie te wesen/breese de d'on-
gunste vande gheemeente soo het qualick ginck/eenighe die haer Schepen en
goederen dan in Spaingen hebben sullen/oock af raeden/breese de dat den
Spaengiaert haer de ballen daer soude doen betalen.

Dien middel om brekende/soo sal het daer nae aencommen op der Landen
hulpe/die sullen moeten secours doen wil men desen handel behouden. Maer
is te breesen dat de Landen niet de ordinaris garnisoenen de voorige t'ach-
terheden/ende de breese diese souden moghen hebben van hier vande vanden
bespronghen te worden/soo veel sullen te doen hebben/dat veel Provincien
souden onwilligh wesen om daer toe te verstaen.

Daer by en sullen niet ghebreken eenighe vanden vanden Landen/die alle
de swaricheden die hier op vallen/op het hoogste sullen weten voor te stellen:
Als dat de repse seer veel volck verniet: Datter meer schipsvolck sterft alser
tot de Zeevaert aen ghequeekt wordt. Dat de Regeerders des Lants in al-
len ghevalle meer sorghe behooren te draghen voor harer onderdanen leuen/
als voor de vermeerderinghe vande rijckdomen der Landen/ende noch min
van particuliere personen: Dat door de langhe absentie van eenighe gebou-
de Mannen die derwaerts varen veel vrouwen die thups bliuen/die wils
in groote swaricheyt vallen/ende veel ontrichts wort bedreuen. Dat vele die
derwaerts varen/door quade exempelen diese aen de Mahometisten erbe-
depdenen sien/menichmael hare boose manieren ende ghewoonten aennen t/
haer met d'ongeloobige Vrouwen vermengende/de consciencie comen te ver-
liesen/

liessen/ ende alsoo die boose manieren ende zeden hier int landt brengen. Wijs-
ders/ dat wepnighe Manufacturen derwaerts worden gevoert oft gesleeten/
maer dat ter contrarien met der tijt eenighe van daer herwaerts sullen ghe-
voert worden/ die de hantwerken van dese Landen seer schadelijck sullen
wesen: Dat het ghele daer mede wt de Landen wordt gevoert/ ende dat de
Schepen die derwaerts varen/ in tijt van noode dese Landen gheen groo-
ten dienst en conuen ghedoen/ midts datse verre vander handt zijn: en t'huys
comende/ seer ontvampneert comen/ soo datse seer onghereet zijn. Waer wt
dan by eenige lichtelike soude conuen besloten te worden/ dat het beter ware die
daert gheabandonneert/ als tot costen van t'Landt ende perijckel van so veel
menschen/ ghecontinueert. Doch ick en hebbe niet voorgehouden dese swa-
richeden al te beantwoorden om cortheyt wille/ maer sal alleen seggen dat in
allen ghevalle het gemeene beste moet vooz t'particulier ghepreferreert wor-
den: want inde voozverhaelde Wiscoursen is ghenoech bewisen/ dat inde In-
dische vaert onse macht ter Zee veel is bestaende.

Soo sullen wy dan nu comen tot den West-Indischen handel/ daer van by
velen seer ouerstandelick wordt ghesproken/ voorgehende dat ons daer
niet veel aen gelegen en is/ alsoo wy daer gheen plaetsen ofte vasticheyt en
hebben/ ende den handel die wy daer gheschadt hebben met den Creues verla-
ten: Maer dit moeten wy wat naerder insien/ ende verhope in t'vervolgh
van desen/ het contrarie te bewisen.

Om dan wel te verstaen wat dese Landen aen den West-Indischen Coop-
handel gheleghen is/ soo moeten wy vooz eerst verstaen waer in dat den mee-
sten rijckdom van dien handel bestaet/ die vooz de Spaengiaerts derwaerts
ghedreuen wordt.

Ten anderen/ dooz wat middel wy den seluen sullen moghen deelachtich
worden. Ende eyndelick bewisen/ wat nutticheyt/ voordeel/ macht en sterck-
te dese vereenichde Landen daer vooz souden moghen verrijghen.

Het ghemeeen gheboelen hier van is/ dat den meisten rijckdom van dyen
handel soude gheleghen zijn inde rijcke Goudt ende Silbere Wijnen die In-
dien heeft. Dan t'selue is een groot mis/ verstant: want den meisten rijckdom
bestaet inde verscheyden vruchten ende ghewassen die in die Landen van In-
dien vallen/ als daer zijn Dupcher/ Gember/ Indigo/ Cochenille/ Balsape-
rille/ ende ander Drogherpen: als mede diuersche soorten van Hout/ Dup-
den/ Beelen ende gesteenten: ende wederom inde verscheyden manufacturen/
Waren ende Coopmanschappen/ die van Spaengien derwaerts ghevoere
worden/ waer by den Coopman/ Ambachtsman/ Schippers/ Landsteden/
ende meest alle de ghemeente leuen. T'gout ende t'Silber geeft den Coninck
wel een groot profijt/ maer niet soo veel aen t'gheheel Lichaem vande Ghe-
meente. De Spaengiaerden die eerst in Indien quamen/ hebben daer oock
groote rijckdommen wt getrocken also sy t'Gout en t'Silber daer met groote
menicheit vonden/ dat by d'Indianen van langer hant vergadert was: Maer
nu t'selue dooz lanchtheyt van tijden seer is versehoben/ ende dat daer niet veel
meer en is te halen/ dan het ghene met grooten acbte daghelijck wt des Ind-
nen

men ghetrocken wordt/soo bestaet den Rijckdom alsmu meest inde Coopmans-
schappen die ouer en weder ghevoert worden.

Tot bewijs van desen en sal ick gheen langhe beschrijvinghe doen van
de Rijckdommen die behaluen t'Gout en t'Siluer wt West-Indien comt/maer
alleenlick gebuycken het exempel van Brasilien,daer geen Goudt noch Sil-
uer Minen en zijn/ende niet en hebben als Supcker / Cartoen / Brasilië
hout/Confituren ende Gember: dan den Gember en mach wt Brasilien in
Spaengien niet ghebrocht worden/om dat die van Sant Domingo, die daer
meest op staen ende leuen/niet en souden bedozuen worden: Nochtans soo is
den Brasiliëchen handel een vande profytelichste van gheheel Indien,ende daer
Portugael meest by bestaet/ende daer sy (nu Guinea ende Oost-Indien schiet
quijt zijn/ oft immers weynich profijts wt trecken) haer Trafique by on-
derhoudt: want wt Brasilien worden jaerlijcx d'ren Jaer min/d'ander meer/
ghebrocht tusschen de beertich ende vyftich dupsent histen Supckers/welcke
souden moghen gheestmeert worden (alsoo de twee derde witte/en maer een
derde bruyne Supckeren zijn) op 2 s. pont blaems dooz een: dan ghenomen
dat het zijn 40. dupsent histen/clicke histe tot 20 pont blaems/bedraecht acht
hondert dupsent ponden blaems/zijn achtenbeertich tonnen Goudts/sonder
het Brasilië hout/Cartoenen ende andere meer/dat oock eenen grooten rijck-
dom gheeft: ende van de Manufacturen ende andere waren die van Portu-
gael derwaerts gevoert worden,die mede wel soo veel bedragen als de vooz-
schreuen Supckeren: Als wel waer datter oock veel ghelts wt Portugael
derwaerts wordt ghevoert/maer dat comt om dat daer anders gheen Ma-
nufacturen en worden gheseten/als die de Portuguesen selfs van doen heb-
ben/maer hare slaue/die veel dupsenden zijn/en hebbē niets/want die meest
naecht loopen/ende alsoo en trecken sy daer gheen ander voordeel wt als den
aerbeyt/ende vande Wilde oft Brasilianen en hebben sy oock gheen gheniet of
voordeel/dewyle sy die veracht/t'onder ende onghetoffent houden/daerente-
gen als wy daer waren soo souden wy wt onse Aerbeyders mede groot voor-
deel trecken/ende den Coophandel soude daer dooz seer versterckt wesen. Hier
by cannen nu lichtelic af meten wat groter Rijckdommen de Waren vā west-
Indien al tsanten gheuen/ende noch meer wat de Coopmanschappen die der-
waerts ghevoert worden wt brenghen: Want in Nova Spaignia ende Peru,
zijn hier en daer noch eenighe Indianen die ghepolliciert zijn en gecleet gaen.
Ende ten ware geweest dat de Spaengiaerts/ dooz hare grouwelicke tyran-
nie de Inwoonders vande landen daer sy ghebiet hebben/ meest hadden upt-
gheropt/ onghetwiffelt souden sy meer voordeels daer van trecken als sy nu
wel doen/dewyle d'Indianen wat bozgherlijcker souden gheworden hebben/
en om te genieten de vucht die vanden aerbeyt compt/haer tot den aerbeyt
ghewent hebben:maer die Landen zijn nu meest van hare Inwoonders ont-
bloot/ende die noch overich zijn/ worden soo t'onder ghehouden/ datse hier
noch sinnen en hebben/jae schier lieuer hebben te steruen als onder sulcke ty-
rannie te leuen: ende hier mede hebbe ick ghenoechsaemt aenghewesen/waer
twe den Rijckdom vanden West-Indischen Coophandel meest bestaet/name
lick

ijck inde Waren ende Coopmanschappen die vreen Landt heeft ende d'and-
der Landt niet en heeft/ doch het Goudt ende Silver en is daer niet quact by
om den Coopphandel te stijuen.

Den middel om desen handel deelachtich te worden/ is datmen daer eenige
Colonias op rechte/ende om die bequamelick op te rechte/moetmen het con-
reys vande West-Indische Compagnie laten voortganck hebben/ t'welck in
tijt van Vrede of Treues/beter en bequamer/ met minder onkosten ende pe-
rnickels sal comen gheffectueert worden/ als in tijt van oorloghe: ende byden
Cooplieden sal alsvan ghelts ghenoech gebonden worden/ sonder datmen des
Landts middelen daer toe behoeue te ghebruycken/ want sullen niet het vier-
de deel van t'Capitaal daer toe van noode hebben/ dat wel in tijt van oorloge
souden behooven.

Oste dat de Heeren Staten dese saecke selve byder handt nemen/ het welck
nae mijn oordeel het beste ware/ende dat een yeder vā dese Landen derwaerts
dā soude moghen handelen niet Valspoorte/Ende dat de Landen daereenen
Col voor ghenoten vā 5. tot 10. ten hondert/nae datse tot der Landen en het
ghemeene beste voordeel souden bevinden te behooren.

Want also inden artickel vanden Treues is gheaccordeert/ dat wy sullen
moghen handelen en traffiqueren in alle plaetsen/ heuuenen/ ende steden daer
den Coninck van Spaengien gheen ghebiet en heeft/ so wort ons daer mede
by ghestelt van te moghen handelen in Terra Florida, de Antillas, de gheele
Zee-kuste vā Wiana, een groot deel van Brasiliën, van Brasiliën voort tot aen
de Strate van Magellanes, zijnde wel 500. mijlen daer den Spaengiaert geen
gebiet en heeft/ als alleen op Rio de la Plata, wijder door de stact van Magella-
nes in het rijcke Landt van Chili, ende veel ander Landen en Eylanden inde
zuyt-zee geleghen: ick geswighē de groote rijcken die te lande waert-in zijn
ghelegghen/ die oueruloet van Goudt ende andere costelichheyt hebben/ welcke
volckeren oock eenighstins gepoliceert zijn/ en tot de welcke de Spaengiaers
midts hare yprantie gheen toegaencken connen crigen/ maer daer wy met
der tijt goede vrientschap mede souden mogen maken/ in welcke voorsz Lan-
den wy onse Colonias souden moghen stellen/ ende also onsen Coopphandel
daer dynen/ onghelijck beter/ bequamer/ en met meer profijts als de Por-
tugiesen en Castilianen doen/maer te segghen de plaetse waer men voorsz het eerste
bequaemste soude moghen neder slaen/ t'selue is niet gheraden/ want dat waer
de roosen pot te voerch ondecken/ en den Spaengaert waerschouwen/ t'welc
niet en dient gedaen: want oft schoou de Heeren Staten raetsaem vonden dit
na te laten soo sal het onghetwijfelt eenighe van onse naebueren te passe mo-
ghen comen.

Wanneer men nu eenighe Colonias hadde op gherecht/ soo souden wy den
meesten handel van Indien in onse handen crighen/ om dat wy alle manu-
facturen hondert ten hondert comen beter cooy geuen/ als de Spaengiaers/
ende de waren die wt Indien comen zijn ons oock 50. ten hondert beter als
aen haerlieden/ dewijle sy ons wel soo veel meer comen te roffen cer die wt
Spaengien hier comen/ ende bouen dien soude ons volck ende landtslieden
deur

deur hare Industrie en arbeysaemheyt noch veel meer voordels doen als de Spaengiaerden. De selue Spaengiaerde die op onse grenzen souden woonen souden oock alle middelen aenwenden om met ons te mogen handelen / ende om den goeden coop van ons soecken te coopen / ende also souden si ware ouer geheel Indien verprept worden / ende wy souden een deel van haer Gout ende Siluer in onse handen crigen / al waer t'schoon dat wy selue geene Mynen en ondercken oft en vonden /

Men moet oock niet meynen dat den Spaengiaert alle de vruchtbaerste Landen en plaatsen van Indien so soude beset hebben datter gheen en souden ouergebleuen zijn die goet / ghetempert / vruchtbaer / en bequaem souden zijn om te bewoonen / ende daer proffijt wt te halen is / dewyl wy weten dat hy noch dagelick oorloght om eenige in te nemen / dat andere om de onbequaemheyt van sijne groote Schepen van hem niet wel en connen besocht worden / als mede door de resistantie die hem de Indianen daer doen / sommighe zijn hem oock noch onbekent. Den Spaengiaert soeckt oock meest gedaen werck / ende heeft lieuer alsulcke Landen daer hy Goudt ende Silber Mynen vindt / om de arme Indianen in dien arbeys te versmooren / ende sich alsoorijck te maken. Venebens dien zijn de Indien oock soo groot / dat hy het niet over al en can besetten / waer door het vierde deel vāde Indien by de Spaengiaerts niet bewoont en zijn.

Enighe sullen groote swaricheyt inden aenbanck van dese saecke vinden / om datse meynen dat het langhe Jaren sal aenloopen eer datmen profijt wt desen handel sal connen trecken / maer dit is misverstant / want Supker en Gember zijn ghewassen die soo wel voorts setten / dat wy in anderhalf Jaer oft twee Jaren ten uitersten sullen vruchten van onse plantaghe hebben / ende men moet opde Oost-Indische reyse wel 5. ofte 6. Jaer wachten eermen daer gheniet van heeft / ende als het eens in treyn is / sal het Jaer op Jaer toenemen. Ick geswigge dat daer Soudt / Houdt / verscherpen Verwen / Tubaco ende anders valt / daermen voor het eerste eenich geniet van sal crigen / verwachtende een beter.

Ende om dit wel te verstaen so moetmē maer lettē op der Portuguesen doen / die noch t'sints 4. of 5. Jaer herwaerts een nieuwe popularie hebben begost / wel hondert mijlen van Fernanbouque naerder de Linie: ende wanneer sy daer gheen voordel by en saghen / wat soude haer beweghen datse nieuwe plaatsen souden bouwen / Supker-molens stellen / moeyte / cost / en arbeys doen / ende nieuwe Landen soecken / daer sy inde Baye Fernanboucke ende elders wel gheseten zijn.

Seghtmen hier op de Portuguisen en ander Spaengiaerden hebben daer nu beter bequaemheyt toe als wy / dewille sy daer eenighe plaatsen hebben / ick bekent / maer als sy daer eerst gheromen sijn / soo en hebben sy so goeden gheleghentheyt oft bequaemheyt niet ghehad / so van Schepen en anders als wy nu hebben / te meer om dat ons die Landen nu so wel bekent zijn als haer / ende wy hebben goede commoditeyt om wt eenige onliggende plaatsen te cryghen alles wat wy tot oprechtinghe van Colonias souden moghen van

doen hebben / welke plaetsen hier oock niet en dienen verhaelt / maer den
Spaengiaert heeft in het begin alles moeten wt Spaengien crighen / wat
hy daer vā noode hadde / dan hier ouer hebbe ick in een Discours dat ick op de
Populatie vande Indien ouer eenighe Jaeren ghemaect hebbe ghenoech
ghehandelt / wil t'selue hier niet herhaelen / tis ghenoch dat ick bewesen heb-
be dat den middel om deelachtich te worden aende rijcken handel van Indien
is / dat men daer eenighe plaetien besetten moet met volck van dese Landen /
moeten nu oock ten deele bewijfen wat grooten voordeel sterckte ende nuttic-
heyt dese Landen daer wt sullen trecken.

Om dit te bewijfen en sal ick niet verhalen / de ghelegentheyt / ghetempe-
rheyt / gesonde Lucht / bequame aertrijcke ende vruchtbaerheyt die dese Lan-
den van Indien hebben / noch oock de menichte van Fleuieren / ouerbloet van
vieruotighe dieren / Seugelte ende Visschen / noch mede niet in t' lange wat
Waeren en vruchten dat daer wassen / dan sal maer niet een woort segghen
dat t'selue Landt bequaem is tot plantinghe van Olie / Wijn / Supher / Gember /
Cochenille / Cattoen / Indigo / diuersche Droogeryen ende alderhande
Frupren / ende om cozt te segghen van alles wat Spaengien ende west-Indien
ons nu gheeft / ende dese Nederlanden hy haer seluen niet en hebben / twelck
dan nootsakelijck eenen rijcken handel sal moeten gheuen.

Dat desen handel den rijcksten is die wt Europa gedreuen wort / meyne dat
bupte twijfel is / want niet alle Spaengien daer groote rijckdomen wt treet /
maer geheel Europa heeft daer wel hy ghebaren : en t'exempel vande Spaen-
sche Cooplieden mach hier in dienen / die op dese Nederlanden zeer grooten
handel plegghen te doen / maer als sy begonden te gheuoelen ende te smaken
wat groter profijten de Indischen handel gaf / so hebben sy ons haren ouden
handel alleynsken ouergelaten en haer meest tot den west-Indischen handel
bezeuē / daerse bouē alle de groote belastingen noch ordinaerlic vā vijftich tot
hondert ten hondert plegghen te winnen : De nederlanders die in Spaengien
hebben ghewoont ende onder den dupin paert ende deel daer in ghehadt / con-
nen t'selue betuyghen / als mede de groote rijckdommen die de Geneuoysem
daer wt hebben ghetrocken.

Het profijt dat wy van dese Landen souden doen met onse Manufacturen
soude ongelijck noch meerder zyn als t'gene dat de Spaengiaers doē / dewyle
men weet dat de goederen die ouer Spaengien gesonden worden moeten d'on-
kosten dragen van hier derrewaerts te voeren : dat den Coopman aende selue
pleecht gemeenlick twintich ten hondert te winnen / d'een tijt min en d'ander
tijt meerder : In Spaengien in het incomen worden niet Tollen ende ander
onkosten noch twintich ten hondert belast / in het wegaen weder soo veel / dan
ballen d'onkosten van Spaengien op Indien oock ongelijck meerder als van
dese Landen / en al en wonnen wy niet meer als t'ghene ontspaert wort / met
de goederen ouer Spaengien derwaerts te seynen / so waer t'selue niet dan te
veel ghewonnen / en ick achte dat de Cooplieden van dese Landen / haer wel
met de helft souden te vreden houden.

Dat onse Manufacturen daer oock wel souden ghetrocken worden / t'selue
is

Is buyten alle twijfel/ beuolte men weet dat vooz desen by de Spaengnaers den seer zijn ghetrocken gheweest / t welck nu by de ghene die van dese Landen derwaerts souden gaen woonen niet alleen en soude gheschieden / maer t waer te hopen dat de Spaengnaerden om den goeden coop souden haer beste doen om die daer van ons te moghen coopen : bouen dien souden d' Indianen niet der tijt wat bozgerlijc worden ende haer allepnskens beginnen te cleeden / ick spreke van die / die aende Zee Custen woonen / want die te landwaerdt in woonen gaen meest al ghecleet / die metter tijt in onse cleedinghe oock souden behaghen crijghen / ende voelende de nutticheyt diese wt verscheyden waeren van dese Landen souden trecken (ghelijck in Guinea sulcx oock gheschiet ende hier noch meer gheschieden soude alse onder ons souden woonen) so souden sy oock arbeiden om iets te hebbē daer vooz sy de selue souden mogen becomen / ende haer also d' een tot Landbouwinghe / d' ander tot het wercken inde Nijlen / ende de Vrouwen tot Spijnen van Cattoenen ende sijde reedinghe beghen / alsoo dooz de wermtē des Landts de Zijdewozinen daer wel sullen voozts setten / welcke ghesponnen Cattoenen ende gereede Zijde men dan hier int Landt soude bynighen om tot Fusteynen ende andere handtwerken ghebruyckt te worden / waer wt ghenoech ghespeurt wordt dat tselue dese Landen noch meer voozdeels soude gheuen als aen den Spaengiaert / ende wat grooter voozdeel ende macht dese Landen daer dooz souden vercrijghen.

Ende also den Spaengaert wel weet dat dē coophandel bestaet in het overbrenghen van waren ende coopmanschappen van d' een landt in d' ander / ende dat daer toe noodich is dat het een Landt ouervloet hebbe van t ghene d' ander ontbreect : so laet hy niet toe dat in Indien Olyen oft Wijnen geplant worden / om also den Coophandel te onderhouden / waer toe wy een veel beter bequaemheyt hebben als den Spaengaert oft eenighe Landen in Europa, want also in Indien gheen handtwercken en worden gemaecht van Weberje / Craemerje / Maelderje / oft Neurenburgherje / of inimers seer wepnich : so soude niet toegelaten worden dat pēmandt vande gene die derrewaerts soude gaen wt dese Landen / aldaer eenighe der voorsz. handtwercken soude moghen maken / maer souden hun daer zijnde / moeten gheneiren niet Landbouwinghe ende Coophandel oft eenighe Ambachten die tot onderhout van haer ende hare Steden noodich waren / ende daer vooz den Coophandel ende dese Landen niet vercozt en worden / waer toe alle die derwaerts varen souden moeten Cedt doen / datse geen der voorsz. handtwercken en souden maken noch laten maken maer naer alle haer vermogen verhinderen datse daer niet ghemaeckt en worden.

Bouen dien souden oock moeten sweeren datse niet gheen ander volcken noch oock op gheen ander Landen en souden handelen als met die vande verrenichde Landen / en op dese Landen / oft met sulcke als met behoorlicke passpoort vande E. Mo. Heeren Staten daer souden comen / ende men soude niet der tijt d' Indianen niet eenich accoozt daer toe bynighen dat sy sulcx oock belouen souden.

T welck niet alleen eenen middel en waers om dien handel te crijghen / maer om

om dien aen dese Landen te verknopen: Waer tot een yder ghenoech can as-
nemen/ wat grooten Coophandel ende Peiringhe dese Landen hier door sou-
den vercreghen/ ende incipne daer mede oock genoech gewesen te hebben/ den
middel om de Cooplieden niet meer voordeels wt dese landen/ als wt andere
landen te doen handelen.

Wt het ghene voorscheyen is/ can men oock ghenoech sien dat dit eenen
middel soude wesen/ om de Ambachtlieden van dese Landen grooter dagh-
hueren te doen winnen als elders/ ende hare hantwercken wel te doen vertie-
ren: Daer noch by voeghende/ dat van dese Landen nae Indien gheene Ma-
nufacturen en souden moghen ghesonden worden/ als die in dese Landen ge-
maccht/ ghemercht/ oft gheloot souden zijn/ ende sonder selue en souden die
in Indien oock niet mogen ontfangen worden/ ende also souden dese Landen
Roeren/ ende niet Inwoonders vervult worden.

Dese voordeelen ende welbaet en souden niet alleenlick ghenieten die van
Hollandt ende Zeelandt/ maer alle de gebuerde Provintien souden daer wel
by varen/ soo wel Gelderlandt, Vrieslandt, Overijssel, Groeninghen ende V-
trecht, als andere/ daer het volck sich tot den aerbeyt soude willen beghenen/
de wyle een vruchtbaer Kerckelijc en een Kerkeysambolt/ de landtsaten rijck
maecte. Ende oft onder de selue eenige waren/ daer de Inwoonders niet seer
tot hantwercken gheneghen en zijn/ soo souden sy (midts aende uytghewee-
ne van Brabant, Vlaenden, ende andere verheerde Landen/ eenighe cleene
voordeelen gheuende) de selue tot haer trecken/ waer toe den goetden roep/
lijfscheit/ ende huphuere dese daer hebben/ oock seer souden helpen: so dat wt
Hooghduytschlandt, Oostlandt, ende Engelandt, oock veel Nederlanders
herwaerts souden comen woenen/ en haer in dese vereenichde Landen/ d'een
hier ende d'ander daer/ nae dat het voer haer neringhe best soude gheleggen
zijn/ connen nederlaen: Tac wt Brabant en Vlaenden sonder noch groo-
te menichte herwaerts comen/ om van het Spaensche en Antichristische jock
beuyt te wesen/ waer door dese Landen in menichte van volck seer souden toe-
nemen/ daer dese Landen ter contrarie apparant zijn haer meeste volck ende
meringhe door den vrede ter verliesen/ soo isetbe door desen middel niet voer-
comen en wordt/ ghelijck in mijn voorgaende gheschift en bewesen is.

Wat de Schipbaert hier mede oock seer soude versterckt zijn/ ende veel
Bootsvolck mede aenghequerekt worden/ ende inbaert ghehouden/ can men
wt het ghene voorscheyen is genoech sien/ want so den West-Indischen han-
del van t'Zout ende Hupden/ diemen in groot perijckel gedreuen heeft/ byde
hondert Schepen heeft in de vaert ghehouden/ wat soude het wesen als men
houen het Zoudt/ noch de Supcheren/ diuersche Bonten/ Olien/ Wijnen/
ende andere waren niet der tijt daer toe vercreghe. Zynde dit maer een reyse
van 4. 5. oft 6. maanden int'gaen en comen/ welken tijt men menichmael
laet om een reyse in de Straet oft selve in Spaengien te doen/ ende hier soude
door de Bootsghesellen oock wat meer als ordinaris te verdienen zijn.

Tis wel soo dat het noch d'yp oft vier Jaren soude moghen aenloopen/ eer-
men de vruchten ende nutticheden hier van te beghe soude smacken/ ende dat
ouder

ondertussen de neeringe hier soude moghen comen te slappen / waer door veel lieden aparentelijck nae Zabant ende Vlaenderen souden vertrecken als sp. geuoelden dat de neeringe daer beter ware als hier.

Maer hier teghens moetmen oock considereren dat veel lieden op hope dat desen handel de neeringe hier weder soude doen beteren / het hier soo langhe soude houden als het haer mogelick ware / soo Ambachtlieden / Schippers / Boeren / als Arbeiders: Ja tis oock welge geloouen dat eenige dupsenden lier met Vrouwen ende kinderen souden na Indien varen / als datse souden onder het Pausdom woonen / want also de reyse cost is canse met Vrouwen en kinderen wel ghedaen worden / gelijk wt Spaengien veel dupsenden derwaerts varen / ende weynige Wisten ouer vaeren oft sy nemen veel Vrouwen mede / ende dit waer boozwaer oock gheue clepne weldaet booz vele vrome Godvreesende lieden / die intijt van quade neeringe qualick middel hebben om haer hupsghefin te onderhouden / als men haer een landt wese daerse haer wel souden mogen erneeren / ende met een goede Conscientie wonen ende den cost winnen. Die oock alsoo dese Landen verlieten ende in Indien ghinghen woonen / souden dese Landen gheen cleen voordeel ende profijt doen / ende ben van opinie dat eenen Man die derwaerts ginck woonen / dese Landen meer voordeel soude doen / als vele die hier int Landt bliuen woonen.

Wyders soude dit oock eenen middel zyn om den Coninck van Spaengien inden toom te houden / ende hem te verhinderen / dat hy tegen desen Staet / oft teghen die van Oost-Indien, oft oock teghens iemant van onse Gheallieerde / niet en soude dorven aenbangen: een deels om dat zijne middelen seer souden afnemen: Want hoe wy in Indien meer toenamen / hoe hy moer afnemen soude: anderdeels om dat hy soude vreesen / soo hy teghen ons iets beder dat hy apparentelijck zyn gheheele Indien soude verliesen / want soo wy moer oft 4. Jaer tijts en hebben om ons in Indien vast te maken / sullen daer wel soo diep in ghewortelt zyn / ende met de Indianen soo verre int verbont ende vrientschap comen / dat hy daer na te laet soude opstaen / om ons daer weder wt te crighen. Ende so wy deerste Jaer daer 2000. mannen hadden / wy souden der het tweede Jaer wel 4000. hebben / ende also Jaer op Jaer so gaen vrentenichvulbigen / dat het niet te twifelen en is / oft souden daer eer lange Jaeren verscheyden goede vaste Steden hebben.

Daer is noch een oorsaecke die den Spaengiaent oock seer doet vreesen d'Indien eens quijt te worden / soo wy daer eenen doet in cregghen / dwelck is dat het volck dat hy teghenwoozdich in Indien heeft / door lanchheit van tijden begint van Spaengien te verbzeemden / ende worden de tyranische regheringhe ende sware belastinghen soo moede / datse maer een goet occasie en bespielen / om haer daer van r'ontlasten. Dese verbzeeminghe heeft ten deele haren oorspronck wt de houwelicken die daer zyn gheweest tusschen de Spaniaerden / ende d'Indiaensche Vrouwen / als mede tusschen d'Indianen ende de Spaensche Vrouwen / waer wt dan Mesticos ofte half geslachten zyn ghecomen / die haer meer booz Indianen als Spagniaerden zyn houdende / ende der halven ooc meer d'Indien haer Vaderlant / dā Spaengien toegebaē

So

Soo den Spaigniaert metter tijt den Wyde oock wilde byken en niet doen
na behoopen/soo en sullen die vā dese Landen op den Spaenschen handel niet
veel behoeuen te passen/want sullen in Indien soo goeden Trafique hebben/
ende van alles wat Spaengien ons gheeft/soo welc onnen voorszien zijn/ dat
wy Spaengien wel sullen connen missen: Sot en is den Spaenschen handel
op veel nae niet vā soo grooten voorzdeel als hy vooz desen geweeft heeft/ ende
in tijt van Wyde sullen dese landen niet het vierde deel so veel nutticheyt daer
wt trecken als sy over 15. of 20. Jaren ghebaen hebben.

Maer daer resteert noch dat ick eenige teghenwozpinghen beantwoozde/
diemen hier teghen soude mogen doen: welke zijn na mijn opinie voorneme-
lick bype. Een is dat wy hier te lande niet volcx ghenoech en hebben om die
landen te gaen bewoonen. Ende/ oft wy volcx ghenoech hadden/ dat het niet
raetsaem en ware dese landen van Inwoonders te ontblooten/also onse mee-
ste macht daer in bestaet: Vander is/ dat de lieden van dese landen/ in Indien.
mits de hitte/ niet wel en souden connen aerden/ oft oock aerbeyde/ ende dat se
berhaliuen daer so goet profijt niet en souden doen/ als de Spaignaerden/ diert
alles dooz hare slaueu doen. Eyndelick/ dat als wy de moyte/ perpckel en on-
rosten souden gebaen hebben/ dat andere natien daer dan het profijt vā soude
genieten/ of daer mede comē wone/ en ons also dien handel ten deele ontreckē.

Wat het eerste belangt/ selue wozyt ten deele beantwooyt met tegere ick ha-
nen verhaelt hebbe/ namluck dat dooz de neeringe/ veel Cooplieden ende Am-
bachtslieden wt andere landen hier soude comen woonen/ so dat dooz eerst de
menichte dier in comē soude/ meerder soude wesen/ als die van hier na Indien
vertrecken souden. Ende also verscheypden Ambachten in Indien niet en sou-
den mogen gebaen worden/ soo en souden de Ambachtslieden derwaerts niet
veel baren: Wijcke Cooplieden die hier haer gemak connen hebbe/ sullen daer
doeniet henen willen/ so dat daer nooznemelic volc sal dienen die tot de lant-
neeringe bequaem zijn/ en daer verstant van hebben/ diemen wt Hooschduyts-
lant/ Oostlant, Denemercken en andere Noozdesehe landē genoech sal betome/
t welck meestren Kertheptsaem volck is/ die niet seer heerschende en zijn/ maer
met den aert van onse Lantsaten wel ouer een comen/ en welke landen thien
maet volckrijcker zijn als Spaengien: oock zijnder de lieden vele so arm/ dat se
haer niet en sullen connen verergeren met haer landt te verlaten: Wouen dien
soude wt Spanten veel Nederlanders ruygen/ die wetē wat profijt in Indien
te halen zijn/ die ooc willich soude zijn/ om derwaerts te varen/ als ooc eenige
die wt Bresilien en de Planden van Canarien vertaeght zijn/ so dat men volcx
genotich soude ruygen wt andere landen/ sonder dese landen t ontbloote/ ende
souden oock alsoo gelijk als een dobbel neder landt hebben.

Het volck vande Noozdesehe landen heeft het verstant niet so goet noch so
veel couragie als volc van dese landen wel heeft/ so dooz de roude van het cli-
maet/ daerse gebozen/ als dat se niet geoeffent en zijn/ en daerom tot de oorloge
niet soo bequaem/ als die vā dese Landē/ maer dese waricheyt is noch cleyn/
want alse wt dese lāden maer goede cloecke Overste en hebben/ die het volck
wel weten te regieren/ sullen metter tijt wel wat cloecker en beter gheoeffent
worden/ en is te verhoopen dat dooz de veranderinge vande locht/ en de gosde
conē

conuersatie hare humeuren oock wat sullen veranderē/ En dat dooz de hitte vā de
 sonne het flegmatick humeur vermindert zijnde/ de Colera sal wassen en roenenit:
 waer doozs meer scherpsinnicheyt en cloemroedicheyt sullen vercrigē/ ende also
 niet alleenlick t' volck vande getemperste deelen van Europa gelijck worden/ maer
 metter tijt oock overtreffen: dan dit en is geen materie vooz Coopliede/ sullen het
 selue de Naturalisten beuelen/ ende hun laten oordeelen oft dit soo soude moghen
 volgen/ ende sien oft ons de hitte soude verhinderen daer te aerden oft te aerbeypden.
 Om het contrarie hier van te bewijsen/ en hoeue nager der uarenheyt te verhalē/
 die ons heeft geleert dat de Nederlanders waer sp comē/ is in Spægnien, Cana-
 rien, Barbarien, Guinea, Oost oft West Indien, over al de lieden van die lāden ouer-
 treffen in aerbeysaemheyt: en al en hadden wy gheen ander pzeue als van het
 Soudt dat in West-Indien gehaelt wort in een seer heet Climaet/ twelck den mee-
 sten aerbeyt is die ick achte dat ter werelt gedaē wort/ so soude selue genoegh we-
 sen om dit te berupgen/ ende nochtan en heeft men niet bevonden dat aen eenighe
 Schepen die derwaerts gebaren zijn/ opt volck heeft ontzokē: ende die eens der-
 waerts ghebaren hebben/ sijnder bickwils weder gekeert. Men moet oock aen-
 mercken dat de daghen ende nachten daer meest euen lanch zijn/ ende dat de hitte
 des dachhs dooz de lange roudde nachten gematight wort/ als mede dooz de gebu-
 rige Ooste winden die daer Jaer wt Jaer in wapen. Den grootsten aerbeyt die in
 de steden ende inde Supckermeulens moet gedaen worden/ comen wel by nachte
 doen. En soo veel den Ackerbouw belangt daer toe heeft men tijt van t' smorgens
 ten 3. of 6. uren totten 10. uren toe/ en daer na weder van des naermiddachs ten 3.
 uren tot t' s' avonts 6. oft 7. uren/ twelck zijn 8. oft neghen uren/ daerhoen al men
 rekent wat d' aerbeypers hier te lande wercken/ men sal bevindē datse niet langer
 en aerbeypden als den voorsz tijt. Men can daer oock het geheel Jaer dooz int velt
 wercken/ daerinnē hier den meesten tijt dooz de roudde en ongetempeert weder wort
 verhindert. Het weder is oock bickwils overtrocken/ ende dan is het daer mede
 toel: ende oft het schoon reghent/ soo en hindert den reghen soo veel niet als inde
 roudde landen: oock al men maer een schaduwē boven thoost heeft vooz de sonne/
 soo is de hitte mede heel verdzaeghlick/ waer toe geen Inventionen en souden ghe-
 bren/ om niet seer clepne veranderinghe vooz den reghen ende de Sonne berijgt
 te zyn/ ende ghelijck wel inden aerbeyt oft op de reyse te continueren.
 Dat men meent dat de Spaignaerts met hare slaven profijteliker souden ar-
 beypden als wy/ selue is ooc misverstant/ want men seyt gemeenlick/ dat met on-
 gewillige honden quact hāsen vangen is/ en dat ongewilligen aerbeyt swaer valt:
 dat volck arbeyp so lange als den stock op den rugge is: Al wat sy doen is sonder
 industrie/ alles doende als onbernustige dieren met grooten arbeyp. Een man vā
 desen lande sal meer wercks aflegghen als d' Swerten/ die groot gelt kosten: en
 als sy eenigen onwillige crighen/ so vergaue sy haer seluen oft steruen van honger
 om haer Meesters spijt te doe/ want weten anders geen middel om haer te wze-
 ken dan datse hare ongenadige Meesters soo doen haer ghelt verliesen/ ende also
 wort dickmaels pemaendē die dooz veel slaven rijck is/ in corten tijt arm/ als daer
 sterfte onder comt. Al men oock insiet de groote schattingen ende onkosten die de
 Portegisen en Spaignaerts hebben int gaen en comen/ so sal men moeten bekennē
 dat wy groote daghloonen gheuende/ noch meer voozdeels sullen doen als sy/ al
 hadden sy de slaven ende de montkosten om niet.

C

Epn

Eyndelick salmen hier op seggen/ Sal het dan altyt te arbeypden zijn? als men wil arbeypden/ men behoeft daerom in Indien niet te loopen/ maer een yder can in zijn eygen landt wel tot arbeypden comen. Hier op is de antwoorde, dat in dese Landen en schier ouer geheel Europa de dach-loonen so cleen zijn/ voornemelick door die het lant bouwten/ dat sy nimmermeer so veel met arbeypden en cōnen verdienen/ dat sy eens tot ruste mochten geraken/ maer moeten altyt arbeypden/ daermen in Indien door de vruchtbaerheit/ en rijkdom des lants/ in weynich tijt so veel sal cōnen verdienen/ dat men sich na eenige Jaren arbeypen sal mogen tot ruste begeuen.

Ten lesten wort gesept dat als wy de moete hadden gedaen/ andere daer het geniet van souden trecken/ maer als men insiet wat groote onkosten datter gelegē zijn in het opzichten van eenige Colonias, wat bequaemheyt wy daer toe hebben van Schepen/ en andere voordeelen die ick bouen verhaelt hebbe dat dese landē hebbe/ meer als eenige van Europa, so salmen soo seer niet vreesen/ dat ons andere natten den werch souden ondergaen. En also dese Populatie niet alleen en soude wesen tot voordeel van dese lāden/ maer door alle onse Geallieerde en nabueren/ en dat daer mede den Spaignaert in ballance soude gehouden wesen: so ware het oock wel te hopen dat men met haer een Accoort soude mogen maken/ datse in eenighe Jaren diergelijke niet en souden beginnen/ of als sy sulcx wilden by der hant nemē/ datse so verre van onse plaetsen souden bliuen/ dat wy daer niet by en souden vercozt wesen: en als het al ten quaetsten quame/ so souden wy noch wel voordeel trecken daer andere schade soude doē/ gelijk het op de Custen vā Guinea gaet/ daer andere door desen hebben gebarē/ maer nu onse schepen daer comen/ so bliuen sy t'huys.

Men moet niet meynen dat tgene ick hier bouen hebbe verhaelt/ maer ydele inbeeldingē en zijn/ want de erbarentheyt leert ons/ wat groote rijkdommen Spaignien wt d'Indien heeft vercregen/ soo dat sulcx by niemant en can oft en mach onkent worden. Ingelick weetmen hoe Nuova Spania, Brasilien en Peru in rozen tijt vande Spaignaerts is gepeupleert/ ende hoe sy daer vermenichtfuldicht zijn. D'eylanden van Canarien, Madera, en de Vlaemsche eylanden/ die by Indien, in vruchtbaerheit noch rijkdom niet en mogen vergeleken worden/ die connen ons oock tot een exempel dienen/ ende leeren wat voordeel dat in het bouwen en besetten van nieuwe Landen gelegen is: Jae den geheelen Wereldem getuycht sulcx/ want alle Landen also bewoont zijn geworden. En als men dan vergelijkt onse Partie by de Spaignaerden/ ende wat voordeel wy in desen deele op haer hebben/ soo meyne ick dat my niemant hier in en sal weder spreken.

Dit is dan tghene ick tot waerschouwinge over den handel van West-Indien hebbe willen segghen/ niet twijfelende oft een yder siet daer by ghenoech/ wat dese Landen daer aen is gelegen/ en dat het selue eenen middel is/ waer door sy in netringē/ volck/ en voorspoet sullen wassen en toenemē/ ende consequentelick dienende om desen Staet te maintainen: ende dat so wy (bouen de andere swaricheden die wt den Wyde sullen spruyten) den selben handel noch comen te verlaten/ niet anders en hebben te verwachten/ als de waterste ellende ende verderf vā desen Nachtrighen staet/ ende van vele vyome Inwoonders/ die door de quade netringē sullen moeten verloopen/ en eenighe in des vyants landē gaen woenen/ daerse metter tijt/ ende des vyants verleydinge/ vā vyenden vyanden souden mogen worden.

Jā ick houde dattet schier beter ware sich den vyant geheel over te geuen en vā

hem genade te begeirē/so mocht hy noch eenichsins tot mede-dooghſaemheyt be-
weecht worden/ dan dat wy schynen hem te mistrouwen/ en ons noch eenichsins
tegen hem te willen stellen/ en ons nochtans van onse miſdele ontblootē en ont-
wapenen/en hem also gelijc t'weert inde hant geuen/om ons daer mede te doode.

Dan ick achte dat sommige hier op het oude Liedeken sullen singen/namelic so
den vyant dit niet en wilt consenteren/so soudemen daerom moeten in d'oorloghe
blijuen/en de landen zyn so veel ten achter datse die niet langer connen sustineren.

Nu oft den west-Indischen handel ons so veel importeert/datmen lieuer met pe-
rijckel vande landen in d'oorloghe behoorde te continueren dan dien te verlaten/
tselue machinen wt het voorsz/als mede wt de Louen genoemde discoursen by an-
dere Liefhebbers ghemaect ghenoech sijn.

Dat de landen so soudent ten achter zyn ende verarmt/datse d'oorloge niet langer
en soudent connē onder houden/tselue soudemen qualick connen doen geloouē aen
pemandt die siet hoe volck rijck dat de selue zyn/ hoe sommige Steden in de selue
meer florieren als eenige andere in Europa/wat rijckdom de Ingesetene hebben/als
mede wat grooter incomen vele Steden/ Gasthupsen/Weeshupsen ende ander ge-
stichten hebben/die Jaerlicx renten aencoopen/schier niet wetende wat met t'gele-
doen/ als oock tot wat grootē rijckdom eenige geringe personen met dese ologe
zyn gheraecht/maer soudent veel eer geloouen dat wy van weelde steruen/ als
bā armoede wt tepreu: Ondertusschē so is de gemeene sake ten achter/en t'schijnt
datmen lieuer het lant wil latē verlozen gaē/als aen die middelen roeren/ oft dat-
men den rijcken wat meer soude willen belastē/om de arme gemeente te verlichtē

Maer wat sal het ons mogen baten dat onse steden rijck/onse hupsen wel gebout
en costelijc verciert zyn/als andere die soudent bewoonen/en wy in vzeimde landen
ballingen soudent moeten wesen: wat soude ons den rijckdom der Gasthupsen
ende andere gestichten oec baten/als wy in vzeimde landen/ in bossen/velden/ende
straten van ellende soudē moeten steruen? wat sal het ons insgelijc baten/ dat wy
middelen hebbē om onse kinderē een goede erffenisse na te laten/en mede om onse
Vrouwen en Dochters fraey ende tierlijc t'onderhouden/als vzeimde tselue soudē
eruen/ende dat Vapen/Monniken/Spaengniaerts en andere Goffianen de selue
soudent beſlayē/ende met gewelt ontvoeren? gelijc wy in dese langdurige oorloge
niet dan te veel en hebben gesien: wat sal t'eyndelijc helpen dat wy so mannelijc
ende vortuustelijc door het Vaderlant gestreden/en eenen eeuwigen lof vercre-
gen? Ioven/so wy nu niet eenich oneerlick/onproffijtelick/of bedriechlick acroort/
den seluen beneuens de vrijheyt comen te verliesen/en eenen spot vā alle de weirelt
worden/om dat wy ons de goede occasie van onse behoudnisse/ende geheele ver-
lossinghe/beneuens onse gherechtricheyt soudent hebben laten ontrecken?

Wilt den vyant niet consenteren in ons redelijc versoek/so is te hope dat God
hem als Pharaō het herte verhart/tot zyn verderf/ende tot onser verlossinghe/iae
wanneer ic soude hoozen dat hy by zyn voornemen blijft/namelijc van niet te con-
senteren inden Indischen handel/ende dat hy soude willen Ieroboams Calueren/
oft zyn grouwelijcke Mis-offer hier weder oprichten/oft anders dē Vreden niet aē
gaen/so soude my duncken dat ick Pharaos stemme hoorde seggē tot zynen Coet-
ser/spant den Wagen in/ic wil Israeck na iagen/en dat hy also niet anders en soude
baren als Pharaō/ende dat God het begonnen werck onser verlossinghe wt de han-
den

den onser byanden soude volboeren tot vryheyt van ons gantsche Vaderlandt.

¶ Waer oock te hopen dat die vande verheerde Landen (die nu gevoelen waer toe datse gecomen zijn/ende hoe dat d'authoriteyt der Staten en hare Priuilegië onder de voer getreden worden/ welck dese Vrede-handelinge genoeg wt wyft/ ons tot een exempel) haer souden vertoelcken/ en dat sy sode noch een droppel goet Nederlants bloet in tijf hebben/ d'occase van haer verlossinge sullen waer nemē/ ende sien waer toe sy van natueren ende van eedts wegen verplicht zijn/ namelike om de vryheyt ende haere priuilegien te beschermen/ en vooz te staen/ waer toe het den rechten tijt sal zijn/ soo desen Vrede niet voozt en gaet/ ende datse mede sullen mercken/ so den Vrede getroffen wort/ en die van dese landē met den Spaignaert Vrede maecten/ dat haer dā schier alle hope van vryheyt benomen wort/ en dat sy onder het toch sullen moeten bliuen. Somen oock wilt vergelijcken den staet daer dese landen in het begin van de oorloge in warē/ als mede ten tijde van den groote Commandeur/ insgelijck in het overgaen van Brabant en Vlaenderen/ ten tijde van de Spaensche Vlote/ en den Graue van Alost/ by den stant daer de landen nu in zijn/ en dat men het incomē datse toen hadden/ rekene by t'gene sy nu hebbē/ en daer noch de Intresten af trecken vande t'achterbeden der landen/ so soude ick dat het incomen supier noch onghelijck meerder soude bliuen/ als het in die tijde was: Darin daer bereuens in siet wat hulpe en assistentie ons van de naburige Prinsen wort aengebodē/ by het gene wy in die tijt van haer haddē/ men sal vooz/ waer moeten bekenen dat wy van weelde clagen/ en mider middelē hebbē tot onse bescherminge als opt te voren. Men moet bekenen dat de platte landē/ als mede de ghemeene lieden veel beswaert zijn/ en dat de lantliedē seer clagē/ maer dit en comt haer niet vande belastinge/ want sy en zijn nu niet meer beswaert als ouer eenige jaren) dan het conit wt de quade gewassen die wy nu verscherpē jarē gehat hebben/ en al waer het in tijt van Vrede/ so en zijn wy hier van niet meer verskeret als nu/ en God can ons dan so wel besoeckē met onvuchtbaerheyt als in oorloge/ en men souden wel eenighen middel binden/ om de rijcke lieden wat meer te mogen belastē/ so souden d'arme daer mede seer verquict zijn. Segt mē hier op/ dat de rijcke lieden ende Cooplieden veel sullen hertrecken somen haer wat meer wilde schattē/ ten zijn maer praetgens/ de Cooplieden ende andere rijcke liedē en sullen om wat schattinge wil/ niet vertrecken/ noch hare neiringhe die hier gelegen is/ verlaten: t'ontsparen van een costelijck cleet/ en een banket of twee in t'jaer/ sal haer selue wel weder inbrengen/ ende wat den Coopmā aengact/ die sal gelijcke wel vertrecken/ soo door den Vrede de neiringe manqueert/ en wat sal het van baten/ darin hem soude verschoonen als wy daer na d'een met d'ander sullen quijt wordē/ daer zijn veel Landen die in geen oorloge en zijn/ daer de rijcke niet belast worden als in dese Landen/ daer sulcken waeren oorloghe is.

¶ Waer mede ick dit wil besluytē: Onsen genadigē God biddende dat sy de E. Mo. Heeren Staten wysheyt ghebe in alle haer doen/ en allen Achtophels ract/ die teghens den welstant deser Landen soude moghen gegeuen worden wil ter schande maken/ ende daer en tegens byome Chusais verwerkē/ die door goetē ract/ tot behoudt onses Vaderlands/ des vrants listicheyt mogen ontbercken/ op dat wy en onse nacomelinghen gheen oorzaecke en hebben/ om te laet ons vooz God ende de menschen te berlagen ouer onse slechticheyt/ maer dat wy ter contrarie de betrigen vryheyt beyde naer Ziele ende Lichaem mogen behouden. Amen.



aer
giē
ft/
oet
nē/
lge
het
len
ert
t sp
aer
erē
lde
ren
bē/
ick
dē
lge
oz.
tot
als
dit
uer
hat
ert
ge/
ren
lie
tē/
oat
en:
lve
ec
ren
aer
alg

De.
le.
rde
be.
en
de
re.